



四佳集二

詩

卷十八

~16
2415
2



和
2415
18-2


四佳詩集卷之三

第三

詩類

八駿圖行

房星垂耀儲精英靈蚪委繁生龍媒龍媒世間不
 常有得之急難真雄才時然後出應明時感會一
 代隨風雲聞昔晉陽揮天戈手注銀潢洗隋氛經
 營四方事弓刀剗除羣孽清寰區搶攘百戰出萬
 死俯仰成敗紛崎嶇功成不獨褒與鄂天使六駿
 伸雄圖又聞蜀先中興提寶劍指揮義旗扶漢基
 檀溪死生吁一瞥猛獸舒呀來相追應撥不獨南
 陽龍天使的盧神扶持天心所在物亦知倉卒羽
 翼功能多尔後茫茫幾千載霜蹄無復來滎河麗



運既衰丙鹿窮操鷄功業隨烟煤鵠嶺青松自秋
色風塵頽洞凝不開帝眷三韓哀昏墊頓整乾坤
思濟時於皇聖祖真天人堂堂神武英雄姿南征
北討蒼雲霓欲掃攬槍醫瘡痍干戈數載勞玉體
蒙茸霜雪幾艱難當時駕馭皆豪英奔走宣力誠
間關又有神駿來應期風驅電擊神權奇一自紅
寇陷松京賊勢撇烈何透迤乘輿播落俄南遷五
廟官闕生寒烟一箭先登拔發弧掃盡窮醜如批
糠島夷跌宕屢竊發風帆盖海連天長霜銍雪戟
爛交加南州處處生枯黎雲峯一捷壓如卵快劍
斷盡生鯨鯢策鞭關賊已破竹攬轡胡孽如摘毚
勢壯孤竹凱謠旋功高遼陽回義旗頭流破陣才

無雙兔洞奮威名第一馳驅出入百戰場所向萬
里皆空濶三韓億載成奇勲洗盡凡馬羣俱空猗
歟我王重繼述汗馬大業思前功雲臺諸勲誓山
河獨恨龍種傳無形命召良工曹與韓貌得天骨
移丹青八匹森列一綃幅攢蹄顧影生長風肉駿
磊砢汗流赭龍騰逸氣超溟鴻綠雲捎蕭龍躡截
游麟跋足凌蒼窮獅黃振鬣欲騰踏玄豹批耳將
驕嘶照耀凌霜白雪毛翻動追風碧玉蹄目光迅
閃發電赭氣稜快壯橫雲鷲異哉當時千萬狀一
一咫尺來恍惚精神颯爽猶酣戰意氣縱橫不自
已至今思入風雲會烟沙漠漠開千里嗚呼古今
英雄不世出天生神物非徒尔要令千載遇知己

與人一心功可終功成萬古歸圖畫不愧帶礪諸
英雄鼎湖龍髯終莫攀八駿變化隨鳴鑾英姿駿
骨不復見空有遺像留人間臣今欲賦八駿詩對
此一圖融心神龍飛馭天撫九五馬上國家何艱
辛功業赫然超漢唐人物際會俱非常願將獻此
八駿圖丹宸九重揭座隅傳之萬葉又萬葉王業
艱難戒朽索

昭憲王后挽章

思齊淑德負無倫位整坤元配聖神漢室母儀尊
馬鄧周家婦道得任莘桂輪忽隱銀河曙椒幄虛
垂玉殿春此日城東蕭鼓咽羣臣兩泣向蒼旻
即事

落花如雪絮如綿睡起銅爐一炷烟最愛小娃初
學語薔薇樹下學鞦韆

移病

求閑閑不得送懶懶無歸偶爾無公事脩然獨掩
扉

世宗大王挽章六首

夏祚謳謌協堯咨曆數歸軋龍初在位離照正重
輝運接千齡恭切推百代巍何知聞未命哀慕涕
交揮
精一天入學相傳古聖心求賢屢前席諫自靈
襟敬老皆因孝明刑只在欽三韓千萬世流澤入
人深

恭儉居無逸憂勤有始終蕊芬巖祀事稼穡即田
功夏貢規模大虞韶制作同煌煌大史筆都在典
謨中
一代人文煥千年雅頌明交鄰敦信義事大盡忠
誠地理周疆復璣衡舜曆成徒崇十字號盛德竟
難名
親睦仁恩大齊夔聖孝魏宗支百世盛花萼一樓
輝至治臨三紀仙游厭萬機傷心瞻玉座無復望
天威
貽謀傳嗣聖憑几絕微言未卜金滕吉俄崇玉策
尊風悲仙馭動月冷縞儀奔侍從絰惟久無由報
聖恩

寄姜景醇

宦情世事兩悠悠衰病逢春易作愁漠漠天風轉
羊角鄰鄰池水生鴨頭杜陵勲業頻看鏡李子功
名已弊裘北樹東雲多日思夕陽回首獨憑樓

春日村家書事

一年村事春社餘昨夜南臬雨一犁也識家家農
務急隔林布穀盡清啼
春山燒後長新芽處處傾筐採採譌出糶歸來供
午飯可憐生理仰官家

兔山村墅登西山晚歸

幽懷政悄悄不可以拘囚強扶清瘦疾忽爾登高
丘手携藤竹杖坐倚松木几野情一何愜四顧山

透迤落日羣峯青靄靄生暮雲歸鳥倦投林暝色
倏已分風從南方來吹吹滿吾袂徘徊納小涼月
出笑談際兩僮待我傍真我苦未歸大者懶欲眠
小者啼牽衣歸家計亦良恐負此興適此興自日
日人事多如髮寧知今日權翻成明日愁入夜方
始歸有夢續清游

用應之平仲唱和詩韻 洪應李坡

落魄儒冠誤迺踈時世欺百年狂飲酒萬事強吟
詩貧病顏先瘦詩書道自肥英雄懷土志慷慨許
誰知
苦被春光惱頻遭鬢髮欺楷難如晉字吟或似唐
詩白入江梅動青歸野菜肥故園吾有興說與故

人知

書懷示士顧平仲

十年霜雪弊狐裘浮世功名轉繆悠身上尚餘慈
母線客中長作賈胡留風流李白三千首湖海元
龍百尺樓賴有諸君容我拙狂言不向死前休
暮年身世憶菟裘走紅塵歲月悠富貴百年休
望蜀功名萬古足封留日長書卷頻搔首夢入江
湖獨倚樓多病邇來官况少人間萬事盍歸休

士顧平仲見和次韻

清晨坐擁木縣裘病骨酸寒萬事悠北闕聖恩深
不次南山歸計挽難留士龍為客三間屋王粲哀
時百尺樓愧我文章錢不直可休休日未休休

春風換酒鷓鴣裘笑罷樽前白日悠一代聲名君
磊落十年編簡我淹留丹心共注雙龍闕妙手曾
脩五鳳樓好向市朝成大隱不須林下是真休

臘月二十四日到兔山村暨小雪明日將向

山中讀書

孤村今夜雪殘臘歲寒心白酒留家別青燈對客
吟形骸隨日改貧病抵年深明發當歸去高眠且
擁衾

立春

今年又立春世故幾番新厭見辛盤數頻呼栢酒
親蹉跎世上事變幻鏡中人時勢嗟如此山林少
卜鄰

除夕

小雪山中夜寥寥一歲除梅花分我瘦燈影伴君
孤臘氣猶餘酒春光已滿符悠悠兩年事自可飲
屠蘇

元日

百歲三分一光陰不我延踈狂如昨日容貌減前
年日月玉春遍陰晴野史傳營營浮世夢時序劇
悠然

到村家次鄭子文韻

立志當年已大高中間事事日蕭條纏緜瘦疾今
三歲落托功名又二毛騎馬長途泥汨汨聽鷄茅
店夜蕭蕭課詩已滿三千首一首何曾續雅騷

春日村行

貂裘弊盡帽簷斜，瘦馬衝泥渡水涯。不見梅花空見雪，春風疑不到村家。

初到南山讀書精舍二首

携卷南山隱，登高北望賒。園林新作主，泉石自成家。古栢猶殘雪，寒梅欲早花。幽居真靜寂，咫尺隔

東華

短褐風霜入，寒驢道路賒。官遊皆是客，著處即為家。林暝雲生葉，山明雪有花。詩書空老大，兩鬢已霜華。

次韻幾仲堯叟唱和

拂劍當年氣吐虹，南山挽我著踈慵。功名汲汲英

雄老，風月悠悠酒盞空。處世只憑文字上，封侯不信笑談中。朝廷選用皆公道，吾輩唯須慕景鍾。

次韻士顧平仲唱和

光陰荏苒葉辭柯，蹭蹬功名感慨多。萬事一身雲似擾，百年雙鬢雪爭華。狂言屢發從人笑，聯句時吟當我謔。自信踈慵乖世用，深憑樽酒送生涯。同節真松不改柯，風流誰復似君多。功名有意攀豪傑，偏簡無心送歲華。世上幾逢多路哭，樽前且放遠遊詞。養生會學南華論，物化無涯生有涯。功名真為是南柯，世態人情閱眼多。散髮清風開北牖，騎驢香土走東華。效吟洛下諸生詠，扣角山中隱士謔。張翰尊鱸政無恙，布帆何日向天涯。

川寧客館次韻

西崦人家渡小溪
桃花香暖竹枝低
數行細柳連官道
盡日流鶯自在啼

讀三國史

三韓攻戰日相侵
百萬蒼生已陸沉
羅濟豈知唇齒勢
隋唐自有蟾蚌心
江山默默不知語
編簡歷歷猶可尋
半是英雄半兇逆
空令後人涕沾襟

題書室

松根作几曲龍影
鬐葉編簾浮水紋
獨對香爐睡終日
來頭書冊白紛紛

春懷

小池獵獵弄青蒲
燕子來時鷄引雛
萬事不如春

睡美一窓紅日轉
簾隅

門外桑麻日日長
狂風吹盡野堂香
午眠纔罷開窗坐
閑看鵝兒泛小塘

曲曲柴扉面水開
行吟屐齒滑青苔
客愁歲歲銷難盡
收拾春光入酒杯

寒食到村家

病客年年感物華
東風吹倒帽簷斜
江村昨夜清明雨
落盡梅花又杏花

村家憶山中諸友

清明三月雨兼風
客子蹇驢西復東
晴日暗烘新柳綠
餘寒勒放小挑紅
人生莫莫休休裏
世事膠膠擾擾中
節物依然驚老眼
新愁牢落與誰同

雨後

新春好雨又崇朝
首菊抽芽蕨有苗
樹靜山鳩空復語
泥深田父少相招
白雲窈窕生孤嶂
碧水連漪漲半篙
獨對茅簾睡終日
等閑雙鬢雪刀騷

田家謠

田家二月啼布穀
南村北村雨新足
泥融無塊田可耕
原頭叱叱驅犢聲
老翁秉耒筋力強
大兒小兒行踉蹌
家婦布衫無完裳
日午野餉芹蕨香
麥穗漸黃稻新綠
滿眼新綠飛雪白
里間相逢無異說
勗尔辛勤事稼穡
稼穡可樂還可憐
十年不見大有年
待得有年議婚姻
携壺挈肉相醉眠
田家田家風俗真
不比壠斷爭利人
袖中已草歸田詩

他時爭席知我誰

次韻應之題山房

多病驚春去幽居愛日長
鳴鳩深樹靜飛燕落花
香古井凝寒碧踈松帶老蒼
相逢詩酒客高興不
淒涼

人家隔西崦精舍近東城
細水三叉曲幽花一樹
明山禽呼主語庭草喚愁生
軒冕徒為累雲泉不
世情

天襯羣峯近山深一路分
小橋綠石壁細水漱松
根几席皆雲氣衣巾半雨痕
親明寬禮數談笑蠶
空捫

送春

江上春歸底處尋綠嬌紅小恨難禁人間此別年
年似羞殺今年雪滿簷

次韻諸同志閑中述懷

燕子年華度鶯聲夏日長槐陰移榻靜花影入簾
香政爾門無客翛然易在床坐來成小睡身世兩
相忘

小雨

滿街槐柳葉初齊小雨霏微欲作泥掩却殘書酣
打睡忽回茅屋午時鷄

即事

微風院落雨絲絲一架薔薇不自持滿地綠陰人
靜後流鶯無數語窻枝

與幾仲堯叟先到開慶寺

烟霞尋古寺一路洞門深老木參天影寒溪觸石
吟佛燈燠古像僧衲掛踈陰小坐禪窻靜翛然遺
世心

題佛巖寺

寺在我家西嶺西同遊諸子手相携月林靈籟杜
陵宿古木迴巖李白題客子不歸斷猿嘯老僧欲
眠幽鳥啼悠悠塵土渺何處白雲滿地歸路迷
與洪應之諸公遊近山諸嶺納涼抵暮乃還
磴确山中幽徑開青鞋竹杖緩尋來閑吟盡日迷
行路棘刺藤梢處處皆

菰蒲嫋嫋江湖雨稻葉翻翻隴陌風白石細沙幽

澗裏亂蟬喬木淺山中
雲頭月湧開金餅水底星沉斷玉繩北寺鐘聲南
寺鼓歸來丈室話高僧

演雅贈幾仲四首

翰林豪氣吐長虹鵬舉雲霄萬里通鷹出海東看
逸翮馬空冀北有神駿文章五色曾吞鳳妙藝三
年已貫蟲交道敢同鷄比蟹龍門自幸揖高風
蝸角乾坤蕩我廬長騎款段策蟾蜍鴈謀梁稻心
非遠蟲處衣禪計亦踈擬向史編紀麟鳳何從爾
雅註蟲魚黔驢短技還堪笑燕雀堂成賀可摠
莫怪磨驢行跡遲終然蠖屈有伸時虬蟄撼樹元
無力鸞鳳棲梧本有姿天下何生馬角異世間莫

捋虎鬚危十年詩瘦龍鍾客鏡裏新驚鶴鬢絲
早信龜腸與世違非魚誰復我相知心如老驥思
千里身似孤鷁守一枝海內文章鸚鵡賦人間膾
炙鷓鴣詞鶴長鳧短從來異不欲虛名假虎皮

幾仲見和次韻

一樽相對吐霓虹肝膽靈犀意已通鷓鴣秋空翻
雪翥龍駒雲路奮烟駿爐香一炷燒金烏燈火三
更綴玉蟲捫蝨清談方衮衮書窻曾記鯉魚風
曾向鑿坡直禁廬飛黃曾不顧蟾蜍夔龍制作仝
方盛班馬文章世不踈賈傅何須傷鵬鳥李鷹猶
自憶鱸魚鳶飛道體深難得蒲葦搗黃憤可摠
蟋蟀秋風夜正遲夢中蝴蝶栩然時羊腸自嘆難

行路猿臂曾無善射姿
代謝燕鴻空歲月分爭龍
虎幾安危十年徒守螢窗
苦義理無窮引繭絲
卯申奔走事多違鬢鶴背
飴尚不知瘴惡有愁鶯
跼地月明無處鵲依枝
能譎曰日黃鷄曲絕唱浮
雲蒼狗詞身世何時蟬脫
殼窈然終日倚烏皮

送一菴師遊楓岳

金剛山高幾萬壘玉立鐵
削露筋骨石路仄滑千
年苔懸崖飛瀑六月雪古
來釋子栖中間呼風吸
露絕粒殮何曾塵土染雙
脚往往蟬脫飛白日年
年遇師長安城怪底如今
去飛錫為我須上最高
峯一望萬里千里通我生
酷似杜捨遺青纏布襪
行追隨

興德寺樓賞蓮與諸君同賦

小池激灑纈紋綠荷花初
開淨如拭天孫為放雲
錦機紅紅白白相映暉貞
高不受沈游滓穠花自
擅風流羨白頭塵客夢江
南忽此看花清興酣香
風吹吹香霧濕憑闌落日
雙袖濕平生花韻抵死
憐四佳托契今年相逢媽
然呼作友我不負花
花寧負山中新沼小於甕
花神已許移靈種明年
五月花正開碧筒倒盡三
百盃君時携壺一相訪
高譎兩脚鼓雙舫

口與應之士顧幾仲平仲
堯叟僧性如德行
信連演熙楚牛賞蓮飲酒
聯句有作

清暑池塘靜危樓枕簟寒
荷香涵笑語柳色拂闌

干酒取青筍飲瓜沉碧玉看叻陪文字會佳興未
闌珊

七夕二首

天上風流七月七人間躡躡三十三小樓一夜涼
如水卧見銀河月色涵
拙拙吾生白髮新長年乞巧是何人秋風擬伴乘
槎客牛渚源頭一問津

七夕吟

銀漢迢迢一帶隔天上相思渺南北玉女盈盈雙
手纖忙擲金梭織霜縑霜縑一一相思字悵望仙
郎欲誰寄青鳥無情不飛去臨風脉脉愁無語天
孫亦然消息稀踈星耿耿秋月暉香風吹盡玉桂

花鵲橋一夜橫天波鴛鴦帳暖開中堂相逢萬里
佳期香佳期不覺大草草天鷄啞喔搏棄曉紅神
啼殘訴別離明年七日知何時君不見長門咫尺
閉嬋娟又不見驪宮深鎖三十年一年一度君莫
傷人間無限參與商

次韻連上人樓上作

少壯登樓地光陰倚柱邊荷花供送日桐葉感流
年貧病都無懶詩書祇自怜浮生政如寄復作午
時眠

文宗大王挽詞

曆數堯咨舜重光武協文百年承積累三載過憂
勤厭世辭丹極遊仙眇白雲那堪聞末命哀慕涕

續紛

千齡開泰運萬物屬熙朝日者瞻龍衮天乎過鳳
簫金騰事已誤玉几命猶昭聖德思難報羹墻日
見充

橋山仙馭動祖道縞儀圖擗地千官泣號天萬姓
悲栢城迷曉色薤露慘朝暉無復陪經幄何心賦
挽詩

秋日

陣陣新涼佐晚晴半塘殘藕夕陽明秋光多在江
南上拈起西風笛一聲

次韻忍上人見寄六首

上方今日費携提廬岳高風直欲齊談笑漸佳通

蕉境往來相伴問松蹊賞蓮傘雨詩新就待月登
樓酒可携世慮從今銷已遣回頭宦海夢還迷
登臨身在水晶宮秋興還如粥面濃園竹鞞煙搖
嫩碧池荷帶露泣殘紅焚香自有高僧趣閉戶會
無俗客蹤一卷楞嚴閑借讀蕭蕭時聽捲簾風
詩書荏苒負年光燈火西窗又一涼道客久為蓮
社主詞人例作水曹郎銷愁有約逢歡伯拙計無
媒對孔方聖代崇文恩已重一生何路荅君王
紛披花竹掩禪坊古篆燒殘一縷香物外烟霞長
寂寂人間歲月去堂堂梧桐院落新秋色菡萏池
塘晚照光小壯風流酷辜負菊花何日作重陽
清時無事謝君恩游遍青山訪白雲月色中霄銀

界闕松聲午枕雪濤喧求詩日見僧携卷問字時
逢客叩門若向匡山尋李白莓苔猶記去年痕
虎溪當日忝同流詩酒顛狂我自羞未分法門傳
正印且從慈海泛虛舟天機自動中秋節騷意難
堪杜若洲好是心朋相遇地江山如此足閑遊

再用前韻六首

心如發願是菩提何用南華物論齊鵬舉雲霄九
萬里羊亡人世幾多蹊功名累物身如寄雲水尋
僧影獨携一入洞中忘去路劉郎物色使人迷
地僻山深有梵宮秋來情興十分濃坐觀斗室生
虛白夢入東華漲軟紅蓮社喜逢當日主虎溪誰
繼古人蹤自知宿覺前生分白足霜髭道有風

笑蘂忽忽向秋光散步池塘納晚涼酒可百杯思
李白詩非五字愧韋郎求仙擬問囊中法濟物何
須肘後方自是聖朝容散拙五雲宮闕拜明王
我來訪道謁僧坊一穗三生結願香乘興有時題
鷹塔讀書終日坐鱣堂閑尋類子心齋靜老信莊
生泰宇光夷業英雄須會遇卧龍晚來起南陽
休暇當年荷聖恩青山還與隔青雲查查枝鵲占
風語閣閣池哇讖雨喧客子中宵思煎燭沙彌清
晝解關門蓬頭垢面從人笑衣上淋漓半酒痕
鏡面澄澄貯碧流荷花乍學羨人羞臨風有客同
開酒對月無人共盃舟孤夢屢尋青鶴洞歸心先
在白鷗洲愧余南北東西客直擬從師訪道遊

三用前韻六首

晚年狂態尚孩提，道骨稜稜眇莫齊。地勝何年蓮
作社，客來終日李成蹊。樓臺香積身初到，戒律楞
嚴手屢携。自幸得參東院話，從今免解五勞迷。
來坐神仙第一宮，園林物色興先濃。菰蒲獵獵風
搖綠，菡萏妍妍雨綻紅。玉輦巡遊思往事，珠闌徙
倚愧塵蹤。悠悠歲月詩書裏，獨坐無人盡日風。
梧桐院落挾秋光，晚雨蕭蕭快送涼。青眼挑燈一
夜客，白頭弭鉢十年郎。人間自有安心藥，物外何
須却老方。滿眼詩書皆可用，欲將忠義佐明王。
祇園寂寂耀金坊，龍象潮音振法行。香繞薊林禪
飽味，花飛貝葉講升堂。前三喜見僧留偈，丈六時

瞻佛放光盡日聯，林供軟語半窻禡。影已斜陽
寄寓會蒙寺主恩，庭槐影合綠屯雲。安閑自可逃
禪寂，懶拙還堪避世喧。若許金篦揩眼膜，何嫌玉
帶鎮山門。與師已結三生願，酬唱今朝醉墨痕。
派出曹溪第一流，能詩高可亦含羞。孤蹤岩壑雲
生屐，隻眼江湖月滿舟。夜響正留桐葉雨，秋香已
歇藕花洲。他時南北相思地，肯憶吾曹此日遊。

尊業

壯懷蹭蹬病侵尋，白髮年來雪不禁。忽有尊絲來
滿眼，却能攬起故鄉心。

蛙聲

小池蛙噪是私公，繁聲閣閣徹夜同。聒予未作江

南夢寒鬢蕭蕭細雨中

題山房

懶拙平生百不能三年山寺讀書燈
飽蹉於世無根容衰朽而今有髮僧
紙帳風寒三丈雪紬衾夜冷一條冰
藏身文墨餘何用用意熙熙自結繩

少年行和幾仲

漢陽城中春日長風吹柳花白雪香
誰家少年金腰褭戲傍朱門射飛鳥
笑入青樓喚客來妖姬滿座絲管催
長夜如年不知曉少壯不樂延遲老

送僧還日本

各感孫

日邦多說出名僧今見孫師骨相稜
三生已有遊方念遮莫東溟浪百層

煙霞縹緲隔蓬萊穩送孤舟萬里迴
正爾思鄉夢急春風開遍故山梅

自述

浮世低昂病夏畦一生心事類孩提
有甚送日苛留客無粟迎朝酷愧妻
幾憶十千錢美酒虛消三百甕黃蘗
唯餘出口驚人語半是風流半滑稽

題馬遠畫松下老人圖

孤高枝幹入青冥霜雪千年已飽更
晴人獨坐星雙鬢幾度尋根斲茯苓

新月

山頭新月似磨鎌故此暉暉照我簾
明日翻成明鏡看白頭相對定無嫌

慶尚監司李相國詩卷用諸公韻

延風六轡送皇華南望關山路不賒天意已教安
去子人心政喜降黃麻莫言眉日凌威迫應見商
霖惠澤加去去棠陰行化遍採謠當續二南詩

鄭相國

麟趾

奇監司

庚

全州宴集詩卷次韻

兩相威名仰似山甄城高會講清歡天庭時見浮
黃暈文彩風流伯仲間

甘棠化洽當時召吏部才豪舊姓韓勝地相逢天
有約湖南雲物亦生顏

江山沛邑龍興地城郭甄郎鶴返年盡日樓臺開
勝賞當時盛事賴詩傳

次堯叟韻

百年身世百愁叢病骨酸寒怯冷風早識退藏應
有地乞身端合酒泉封

將赴燕京留別應之平仲士顧堯叟幾仲諸
丈

我將適萬里萬里燕山蒼風霜颯淒其道路何脩
長男兒生天地弧矢事遠遊安能守丘壑鬱鬱老
一畝王事有裨益宴安非所欲拔劍一笑行出門
車載轄遲遲去故鄉行行觀國光上副明時需下
慰相思腸

明日將發悵然有懷

親戚滿中堂遊子詞遠遊酒行三四巡各言別離
愁婦稱風雪寒玆重理綿裘母憂道路長行邁戒

慎修人生重功名行止何悠悠長夜今何其我醉
無由休

過棘城新柵

岳嶺青蟠控海溟來過古壘淚先零英雄久倚襟
喉勢戰伐猶餘虎豹腥野蔓不收入骨白深林時
見鬼燈青窮途老阮雖無策喜見升平復古營

入黃州

峭寒剪剪入重裘客裏光陰窘督郵觴處雪花將
白髮謁來馬足又黃州錦囊日課詩千首銀燭宵
筵酒百籌王事馳驅懷靡盬江山雖好莫登樓

大同江

使君江上泛接船公子初臨敞倚筵冰簇金盤飛

繪縷波搖錦纜起鷗眠江山興廢蒼茫外樽酒風
流浩蕩邊幙下來參珠履選西都勝會盛當年

箕子祠

嘆息殷王子荒涼獨此祠西周陳範後東國化民
時荔子春秋謹碑文日月垂由來多慷慨耿耿酌
芳卮

敬次正使寄永膺大君詩韻

燕山路遠迤北望多所思皇明馭區宇萬物被洪
私公子奉使命忠節餘無為行行萬里遙豈暇念
安危鴿原自急難花萼相交枝忽此參與商南北
傷分離遠逢尺素書為寄相思詩忠孝已兩全功
名流後時

行行去魯遲搖搖勞我思王事有嚴程將母不敢
私男兒志遠遊何用刺刺為况逢知己恩不憚行
路危江山千萬重朔雪號枯枝帝鄉自可期何會
憚別離觀光好歸來袖裏皆新詩下可慰慈親上
可報明時

寄集賢諸同僚

漢水燕山接渺茫朝天心急馬蹄忙敢同刺刺妻
兒語只信遲遲父母鄉風雪豈關吾輩苦酒盃聊
發客中狂丈夫弘矢斯遊壯跌宕時還愧子長

順安館早起

白雪西關道丹心北闕邊四更鷄亂叫千里月初
圓邦國村猶盛馳驅我獨賢膏車待明發敬枕不

成眠

安州天王寺次外祖陽村詩韻

袞袞流光洩尾閭客中何處是吾居一州人物半
非古重到江山還似初舅氏留詩五紀後先君遺
政廿年餘稚髻往事渾如夢幾向僧窻讀古書

留義州

昔聞鴨江水今上望華樓大地連中夏雄藩控上
游陽關山送客遼野月連愁白髮親猶在功名愧
遠遊

留別景愚兼寄京中諸友

關河新雪遍驅馬渡悠悠把此一杯酒那堪萬里
愁腰間橫短劍身上繫重裘故友如相問平安過

義州

留別金判官

鴨綠江頭別故人關河渺渺暗傷神
四千里外遠遊客十二時中憶老親

寄集賢諸同僚

行行適萬里已到鴨江濱歲月孤
裘弊乾坤馬背論山連燕北雪地
隔海東雲別後音書斷題詩動
憶君

婆娑堡

婆娑堡上月黃昏路入前橋雪一痕
馬上聳肩驚半凍懷中熨手取微溫
松明似畫軍圍坐野色如雲馬聚屯
畫角一聲家萬里遠遊無處不銷魂

次洪日休詩韻二首

生平鞍馬性非能來宿婆娑夜氣增
宿醉易醒風作惡重裘猶薄雪生稜
居庸關隔四千里松骨山高幾百層
萬里行裝書劔在迺疎一一賴良朋
一生迺拙是書生來忝平原門下名
使僕愧非三語椽詩壇曾築五言城
遠遊情思緣親老壯歲功名為聖明
酒醒燈前還是夢冷衾風雪欲寒更

題佛巖寺

招提近在我村西有興來遊輒杖鞋
洞裏幽幽羅白石山中咽咽響清溪
綠陰小榻眠初穩明月高樓酒可携
却笑南鄰病居士蒼苔石徑已成蹊

石泉寺

千佛山高翠疊重攀蘿步步滑行蹤雲埋老樹危
巢鷓水活澄泉隱卧龍客子題詩來掃塔居僧禮
佛坐鳴鍾登臨看盡東南界俯仰乾坤一盪曾

寒食金川路上

累累羣塚閉玄扉名日家家拜掃歸日暮白楊風
欲動烏鳶爭蹙紙錢飛

途中遇雪

馬上貂裘凍帽斜江天薄暮雪飛花東風大是無
情思吹入潘郎兩鬢華

田家

家家野飯巖芽香盃罷田頭笑語長可是今年春
水足桔槔閑立送斜陽

入春山

退向江村懶是閑手携童子入春山蒼木遍山隨
處斲歸來誇與病妻看
病脚行行信手藤困來方坐老松陰閑吟盡日無
人見只有山禽種種音

水落寺

再尋洞中寺坐憑溪上樓水清石齒齒雲白山幽
幽如逢羽客語却為高僧留坐久發深省尚想龍
門遊

姜菁川畫葡萄二幅蔡子休所藏

枝蔓離披倒復扶黑雲垂地暗龍胡一庭風雨秋
將晚翠色凝簾淡欲無

右風雨葡萄圖

驪珠清泣滄江月馬乳肥堆滿架秋摘來解消司
馬渴何須斗酒博涼州
右明月葡萄圖

青山

偃蹇青山淡有姿晚晴相對好尋詩故人天上雙
魚斷落日雲邊一鳥遲好風吹我小山桂細雨長
君商嶺芝最愛江南筇竹杖賸扶清瘦過東籬
在村墅洪應之李平仲許士顧沈幾仲欲來

訪期不至有作

小甕新蕩綠發醅相思欲共故人盃討尊已約秋
風去剪薙宜尋夜雨來世事十年臂三折離愁一
日腸九回如聞吉語渾家喜坐久燈火落又開

小雨

落日茅簷雨悄悄細有聲殘燈微作暈新月翳還
明小水蛙鳴急危巢燕夢驚妻兒留郭內今夜待
吾情

寒夜吟

寒窻故故冬夜永風饕雪虐天氣惡紙帳薄薄未
遮寒三幅冷衾堅似鐵幽人獨坐耿無寐踈髯颯
爽層冰結茶甌藥瓶凍不溫瓦盆濁酒寒欲裂童
奴衣鷄無完裙小婢破衫足無襪東鄰有家富且
慳自言一生不識寒虎幙裡帳襲重重滿眼花鬪
紅猩鬆身上倒披黑貂裘穩斟美酒生春柔鴛鴦
帳暖合懽休但願長夜長復長嗚呼噫嘻寒夜遲
此苦富家寧得知君不見宮門虎拆守寒更左手

執鼓右手鉦鐵衣生冰肌骨折長夜如年天未明
兩處苦樂迥不同天工造物還不公我今中夜三
嘆息哀吟啾咽如寒蛩

守歲

開筵餞殘臘燒燭待新春忽聞三夜鼓已作兩年
身索共梅花笑呼來栢酒親有詩無可祭欲學賣
癡人

偶題

瓦爐燒木細烟香早起衣冠浩氣長天壤豈虛生
俊傑東山終亦似南陽
床頭書冊白紛紛紅葉秋庭擾似雲愛酒淵明非
傲世題詩子美不忘君

斗室通宵沆瀣澄蒲團烏几紙糊燈手携一卷楞
嚴坐唯有頭鬚不是僧

憶昔

憶昔朝早大明宮酬唱詩聯賈杜雄渺渺江湖思
魏闕多時清夢拜重瞳

野乘

野乘生子蠶成繭逕竹生孫龍護雛夏日深村連
夜雨菰蒲滿地是江湖

閑中

淨几明窓清晝長幽人睡起興顛狂輕衫戲墨三
盃酒紗帽新詩一炷香南沼蓮開約僧訪東籬瓜
熟呼客嘗青山偃蹇曾相識挽我年年到故鄉

羈懷

羈懷牢落歲時殘多病關門鬢欲斑世上徒勞百鍊鐵仙間唯有九還丹青山不俗似君意白鳥無心如我開百歲膠膠空擾擾不知何處醉鄉寬

紙窻

夜深雪色為渾白曉引朝暉欲軟紅百歲窻明窻暗裏擁衾危坐一詩翁

即事

小雨霏霏濕海棠南窻睡覺午陰涼呼兒穩酌三盃酒小草題詩滿意狂

村居二首

樵子熟時蠶已老麥胎肥日燕將雛閉門茅店家

家兩種豆南山草欲蕪

芍藥叢深飛蛺蝶菰蒲水淺浴鳧鷖村童無事擊

即事

春陰輕暖日暉暉垂柳陰中白板扉花影正濃猫著睡山光欲滴燕交飛階篁學我從來瘦山巖須君到日肥隔樹幽禽多事在朝朝喚得不如歸

上巖寺

絕頂藤蘿手自攀登臨豪嘯立雲端地窮西海島嶼出山近北辰樓閣寒古往今來只如此百年一日吾獨閑曾中洗盡不平氣兩腋忽然生羽翰

磐谷圖

君不見太行之山高嶺岫中有一谷名為盤兩山
夾走來相環勢若天矯雙龍蟠此境由來天秘慳
一一奇勝藏中間石徑仄滑莓苔爛深谷窈窕臨
滄灣遙岑積翠縈雅鬢鳴泉一脉飛霜紈桂樹叢
生枝輪圍猗香九畹滋崇蘭幽禽怪鳥啼官官佳
花異草紛朱啟野人茅店皆柴關地僻輪鞅稀往
還泉甘土肥居者安采山釣水聊可懽李侯達者
早辟官拂袖歸去山中閑山中閑可磐桓寵辱
無復來相干回首宦海翻驚瀾滔滔舉世迷沒乾
丈夫遭遇古來難何用強作兒女顏不必冠蓋立
朝端勢利炎熱排冬寒不必將相登高壇聲譽煥
赫鍾鼎刊只願出處道可觀敢以外物勞心肝功

名畢竟真觸蠻一夢恍惚如邯鄲先生此意炳青
丹聲名聳動鷓鴣班都門祖帳風曼曼簪纓俱集
車馬攢當時作序吏部韓文章玉佩鳴珊珊至今
留與後人看珍重至寶逾琅玕止足一語傳不刪
急流勇退如君難已矣歲月如飛丸尚想芳躅空
長嘆我今失脚紅塵寰虛名十載雙鬢斑蹇驢破
帽從人訕殘盃冷炙潛悲酸幾度欲掛東門冠尚
憐回首終南山起望磬谷不可攀安得兩脚生羽
翰

揚州途中三首

小雨花村燕子寒蘆根細水響潺湲客愁慣向長
途老鷺見殘紅送馬鞍

歸雲澹澹暮山蒼兩岸人家共夕陽行渡小橋還
立馬春風無數野棠香
晴日江皋絮亂飛山禽勸我不如歸十年十度揚
州路白盡鬕鬢尚樊衣

即事

碧松亭下月如波獨向青空放一譌天地此生真
螻蟻榮華富貴奈吾何

即事

白日南窓一黑甜山禽喚我起巡簷池荷雨後香
初遠逕草春深綠已織理學可尋閑不輟方書無
効病慵拈平生溫飽吾何管世事年來似水鹽

松簷

松簷老屋易黃昏小雨愔愔欲閉門獨坐焚香入
去後殘燈一壁半煙熏

姜菁川畫竹

挺挺高寒獨自持時看變化有龍姿雖然早畜凌
雲志大節終因歲暮知
早歲江湖種萬竿如今滿意已檀欒十年辜負歸
來約畫裏相逢亦愧顏

憶應之平仲

數子當時托契心一秋離恨滿江潭寒風落木蟬
聲盡復嶺重雲鴈影深杜甫論文思謂北退之聯
句憶城南悠悠兩地相思意獨倚西窓夢一尋
皇天幹造化

皇天幹造化變化不可測昨日苦炎燠今日忽淒
慄霜雪一何急草木盡搖落苦寒豈不好奈此時
序促嘆息夜不寐不寐長惻惻惻惻終何為冷髮
豎如竹

腐儒

天地悠悠一腐儒曾知小黠不如愚熊魚鄒氏從
吾欲牛馬莊生任汝呼未必英雄皆將相有時豪
傑自屠沽世間榮悴都無管坐對青山撚斷鬚

次清甫學士詩韻

梅花瘦影半窻分笑領清香入酒樽寫罷黃庭無
一事談詩肯許客敲門

題東坡詩集後

千載淵明後身一生白傅終始風流赤壁明月戲
弄黃州山水

題蘇學士舜欽詩選後

待月松江金餅開滄浪醉步玉山頽分明六一詩
評在休道時人錯比梅

寒食村中遇雪

觸地尋常戀物華東風遮莫帽簷斜今年雨雪連
寒食盡日江村不見花

扇面小景

風緊鴈聲急日斜帆影遲秋光在何處一半上江
籬

貴公子真草帖

奇才妙翰今古稀蘭亭無人子昂非千年大雅氣
像豪風流冠映一代高牙籤萬軸銀鈎字清讌日
夕供翫戲有時臨池發興新筆意所到皆精神晴
窻烏几龍膺香麴紈滿眼霜雪光玉餘點滴清露
研縱橫掃盡生雲烟勢快新驚風雲驟氣健忽作
蛟龍鬪變化三體各臻妙玉樹瓊柯相照耀日窮
百紙思愈壯散入家家作屏幃中原文章二閣老
一見喜得王與趙粲粲袖有驪珠好亦知海外有
奇寶持向京華索高價從使聲名滿天下君不見
昔時唐宗購晉跡虹光夜夜燭秘閣又不見大明
天子喜妙手刻取堅珉傳不朽中間作者安足計
已喚顏柳作奴隸嗟我不是具眼者胡乃槌胸血

如瀉從來嗜好亦在此顧得一本比擒李

題雪峯上人梅竹軒

十笏禪房深復深淨林香裊一爐沉上人宴坐觀
空處梅有清香月有陰

臆前三白照窮陰生意津津自不禁坐觀只知真
味在肯將香色累禪心
歲寒高節獨蒼蒼風動時聞細有香喜見龍騰真
有術何時能作鳳凰鳴

暮春偶書

年來瘦病減腰圍清氣駸駸入袂衣金鎖綠沉無
復夢石田茅屋幾時歸花開蛺蝶飛相近沙暖鴛
鴦睡正依屈指百年徒寄爾欲將佳醕答春暉

初夏

謝池新草碧萋萋
小雨初晴欲濕泥
軟飽三盃春
睡足海棠花下聽
鶯啼

詠懷

乾坤容我一殘軀
膽裏虹霓氣又麤
萬事未成髮
種種百年如此耳
嗚嗚黃金有命何須說
白璧無媒不用沽
回首故人成轍軻
有時拔劍怒掀鬚

題李平仲所藏三逕圖

烏靴紗帽走東南
白八雙屣弊皂衫
回首故山歸
不得依然畫裏逕
成三

池上晚步

小塘咽咽水鳴陂
細雨扶筇獨立時
籬下槿花開

落盡青山街晚鳥飛遲

孤村

孤村四月初寂寞
病吟餘江上無來客
山中有寄書
經年鶯又到
終日燕同居
懶拙成何事
呼僮課種蔬

訪金將軍林亭

酒熟君家喚我嘗
輕衫快馬趁清涼
羹芹鱸鮓將
軍宅把筆題詩
老杜狂
細雨絲絲山竹靜
光風媚媚海棠香
形骸百歲不須惜
埋骨由來有醉鄉

地僻

地僻輪蹄絕
關門動月餘
江山淡不厭
詩卷數斯踈
力穡煩諸僕
營生愧病妻
安閑眠食耳
時復嘆

居諸

村墅新鑿沼種蓮花開有作

南塘小雨碧溶溶開盡芙蓉紅霧濃獨立晚風香
滿袖不知身在畫舫中

驪興清心樓次外祖權文忠公詩韻

黃驪往事頗瑰奇一夜文星會有期人物百年山
色在長江萬古水流遲風流玄鶴蘇仙賦放浪長
鯨太白危渺我未能陪杖屨倚樓終日想當時

次楊根東軒韻二首

推敲馬上過平湖積翠浮空淡欲無歲月幾何為
久客江山如此試新畝長林雨歇鴉呼婦古屋無
人燕引雛日暮鄉關多少思一盃聊復為君娛

雲物揚州入半湖風流落魄似吾無仲宣才思登
樓賦摩詰江山著色圖滿架葡萄堆馬乳迸階脩
竹引龍雛何時一艇蒼江月謝盡浮名醉作娛

次東軒韻四首

明侯今日作遨頭六載絃誦政有優早識儒冠多
腐拙欲將詩句較風流

末路功名白了頭文章事業愧難優蒼茫歲暮秦
京道不覺悠悠歲月流

棧道逶迤露石根山高萬丈認龍門風霜滿面孤
裘薄又跨蹇驢過一村

家家松竹擁籬根鷄犬聲中半掩門須知太守敷
神化人物朱陳是別村

題平丘驛

蕭條古驛少人烟
下馬昏昏睡馬韉
壁上舊詩塵欲撲
碧紗紅袖思悠然

途中小雪

城上昏鴉起江頭
旅鴈飛晚風微有雪
乘興過揚州

題兔山村暨四首

僕村莊在揚州兔山
布衣時與同庚蔡子
休同遊偶題五首計
今十七八年矣然亦
不記其有此作近於
子休家談論往事子
休出示右詩愴然追
思錄附家藁仍用前
韻寄似

蒼苔石逕一茅堂
來往風流有小郎
峯頂構樓邀好月
溪邊鑿沼納天光
稠衾豆粥生涯足
燕子鷺兒歲月忙
萬卷塵緇空四壁
時看苔色上東墻
山中好是東書歸
地僻人稀晝掩扉
村暝犬迎行客吠
簷虛燕喚主人飛
翠翻壠麥風吹暖
黃動林梅雨綻肥
萬事不求溫飽外
一生端合卧牛衣
自分生平一畝宮
瓦樽相訪有鄰翁
薄雲漏處虹收雨
踈箔開時燕引風
靜檢園筠看玉張
閑聞山溜愛丁東
南窻散髮無餘事
快意秋聲在碧桐
睡起扶筇渡水湄
清風滿袖立尋詩
探梅訪柳今三載
種芋栽瓜又一奇
雨入蓮塘磨鏡面
風歸竹塢撥琴絲
江東渭北無窮思
落日深山叫子規

青山隱映水平分一室蕭條對此君北寺尋僧看
好月南郊送客踏溪雲晚汀立鶴何山意秋樹吟
蟬到處聞痛飲狂謔非傲世人間萬事盡關門

用前韻五首

少日題詩憶草堂中間身世是漫郎頭邊白日頻
催晷夢裏青山不負先十口淒涼三頃薄半生零
落一官忙他時子羨歸田興濁酒鄰家過送墻
一棹秋風吾欲歸十年濃興入柴扉依違身世田
園阻點檢容顏歲月飛謝朓宅前山自好李生盤
上土應肥聖朝自是收樗散悔不當時去拂衣
剪剪黃茅覆小宮歸來欲作釣魚翁晚涼快意芭
蕉雨清暑披襟菡萏風菴薤彥倫思郢北蓴鱸張

翰憶江東人生行止寧關命獨坐悠悠撫鬢桐
藍輿鳴軋小溪湄白紵烏紗恰得詩過眼風光共
流轉回頭景物自清奇江山有約身長絆天地無
情鬢欲絲碌碌功名慙五斗淵明晚節是吾規
梅花清韻瘦三分相對翛然有此君夜靜老梧宜
滴兩年深古柏欲穿雲頭先種種身宜去耳自鳴
鳴事不聞慙愧東華塵撲面十年稚子候吾門

又用前韻五首

清晝疎簾掩小堂休嫌白髮尚為郎書中衮衮看
天意病裏悠悠度日光滿榻清風鬻語滑一池踈
雨燕飛忙少年翰墨真無策潦倒如今已面墻
病裏不知春已歸一龕書史閉孤扉鷓鴣深樹綠

蠻語胡蝶殘叢遽翔飛階竹生孫風綠淨江梅結
子兩黃肥忽然記得江南夢翁笠孤舟一釣衣
身世何由側藥官塵蹤自愧鹿皮翁蛾眉千載西
湖月坦腹一線北牖風巢父釣竿歸海上管寧紗
帽老遼東轉頭時序隨雙轂又見涼風墜井桐
蹇驢破帽曲江湄身世龍鍾正坐詩病眼看花多
掩翳枯腸得酒頗瑰奇瓜沉水底凝青玉鱸下盤
中凜雪絲碌碌百年真若此斲無人事中時規
一掉觥船倒十分少年佳會喜逢君樽前有限黃
鷄日天上無心蒼狗雲骨綠仙方真可學耳昏世
事欲無聞窮居自幸輪蹄絕捫虱青山獨掩門
女陵山水圖

清讌留神水墨圖盡將顧陸作輿奴分明眼孔蕭
牆禍可是區區翫細娛

庭松

南山有一松移來藝庭曲爾形何矮小爾氣何磊
落落按地不盈尺敷陰不盈掬珍重復珍重愛之比
金玉歲月能幾何倏忽十霜雪長短不曾變何況
改顏色君看河畔柳生長不容瞥昨日挿藩籬今
日陰門閭稟性不同霄壤迥相隔嗟哉彼君子
鬱鬱抱奇節所托在遠大昂霄會有日明堂要梁
棟抱甬更何適

自笑

宦味清如水窮懷日抵年長吟頭種種獨坐腹便

便妻諫經營拙奴真喜怒顛浮生政如此萬事益茫然

庭中有古梅一樹年年花開子結吟賞愛翫中因在村賃屋者伐之為薪無復根株悵然有作

萬古知音只有梅清心苦節出塵埃十年勤著栽培力一別那知剪伐媒真魂已逐狂風去淡質疑從好月來莫遣狂童殺風景感時懷古思悠哉

惜春

日日東風吹不休青郊物色儘悠悠園林靜寂紅蕖塢簾幙深沉翠滴樓芳草暖煙抽別恨落花踈雨釀新愁一春苦被名韉絆未向城南載酒遊

次趙子昂絕句韻

柳絮飛飛白雪零小塘新水縠紋生春風吹斷思鄉夢一村心容萬斛情

綠水粼粼漲一池東風枯柳自生羨春光可賞還堪惜零落殘紅入馬蹄

四佳詩集卷之三

四佳詩集卷之三

三十五

四佳詩集卷之四

第四

詩類

客中

兩字功名集百憂
遠遊能白少年頭
故園松竹何時到
此處江山不可留
小屋雪殘梅信早
碧空雲盡鴈聲稠
青燈孤枕還家夢
漢水龜山兩地愁

梅竹軒

孤竹聖之清梅也
仙之骨瀟洒伯仲間
天地一清白貞虛
以為心馨香以為德
高人有雅致獨乃愛
之酷豈無春風安妍
妍悅吾目淡薄性所
嗜富貴非所欲皎皎
霜雪顏洗洗烟雨質
相對座之隅脩然兩
不俗坐觀一氣流泰
宇浩大極高軒此中
趣

只有天君識

窺簷

窺簷新月照黃昏夜氣如秋已十分小簟淒涼清
不寐浪揮團扇撲飛蚊

紅梅牧丹孔雀圖

梅花一枝兩枝明時有幽禽上下鳴且問牡丹開
盡未午陰深處羯鼓聲

梅竹錦鴿鳴雀圖

梅有清香竹有陰下看錦鴿上雙禽畫中想得仙
家興攪起故園無限心

讀李白詩

李白本豪士風流天地狂仙骨出烟霞濁世視糝

糠作詩神有助飲酒不論量蘊抱廟堂器放浪江
湖吟明皇重人物白衣入翰林逢迎如綺皓倚重
如周召玉手調御羹金鑿草飛詔英風隘宇宙氣
岸凌侯公將軍貴一時天下趨下風脫靴手浣襪
蹴踏比兒童功名蟻蠓小肝膽虹霓騰沉香飛玉
兔白壁生蒼蠅浪迹八仙謔高節東山遊真訣慕
金丹羽衣尋丹丘吁嗟士君子大節明秋霜胡為
誤逆鱗萬里流夜郎難將一時疑盡祛千載惑古
人稱王佐公論亦須惜文章馬相如開豁東方朔
雄風庶可儔此外吾不識蘇子有至評萬古不可
作

紅梅孔雀小雀圖

為愛名花抵死香
幽禽何事恣回翔
叢下有禽人不識
世間元自有文章

述懷

志大言高道不長
青衫十載尚為郎
多慙依樣葫蘆手
自信傳家覓藿腸
北闕上書今寂寞
東山携妓亦淒涼
一樽濁酒乾坤裏
有夢相尋到醉鄉

偶吟

歲月悠悠窘督郵
寒風吹盡木繇裘
鏡中顏瘦非前日
浮世功名半是愁

青春詞

青春漠漠殘雪落
東風漸暖寒漸薄
纈紋散入凍消痕
細雨紅杏到消息
睡起東窗攬衣忙
綺羅羞

滋雲鬢香社燕未來春
又靜相思不見空斷腸

入直間雨

獨直鑿坡漏刻清
天街雨意未全晴
通霄點滴宮階溜
誤聽糟床壓酒聲

次韻成和仲

功名早歲咤英雄
一代交遊氣槩中
李白有才身七尺
項郎無命眼重瞳
衣香北郭杏花月
船滑西湖菱角風
紗帽藍輿無限興
風流暗與故人同

村家飲後二首

莫厭村家白酒渾
憑凌老膽策高勳
仲宣懷土那無賦
庾信哀時尚有文
老眼皇天應鑑我
微臣下土不忘君
興來枉折梅花奕
放浪江湖態自存

虛名文墨才何用，養拙江湖道有餘。
城近親朋分美醕，村醇間里餉佳蔬。
書籤藥裹貧無負，劍匣琴張病不疎。
功業英雄當磊落，孔明當日起茅廬。

田家書事

刈盡荒畦稻穗香，一番懽笑一番懽。
笑一番傷何時盡，入官租了白酒黃鷄喚客嘗。
繰出新絲白雪香，辛勤當口禿千乘。
終然不分田家有輸與，閨妹作嫁裳。

碧蹄

碧蹄驛上雨新晴，高嶺寺前溪水生。
十里青山羸馬影，一鞭紅日急砧聲。
乾坤濩落行何適，歲月侵尋夢自驚。
客裏相逢少相識，唯餘白髮故多情。

松都懷古

碧瓦鱗鱗百萬家，當時歌舞闐繁華。
英雄一去風流盡，壁礫成塲薺有花。

路上

隔樹村春知野店，傍溪燈火認魚舟。
十年在費江湖夢，滿目黃蘆特地愁。

向臨津村墅途中

寒林半無葉，更見林外村窮谷。
問閩少年賦稅存，一驢行翠嶂。
數犬吠黃昏，何處吾家是前橋。
雪有痕。

寄成和仲二首

生平懷抱頗瑰奇，蹭蹬功名鬢欲絲。
北海踈才無

用處西山直氣有伸時侵尋病骨常踈酒敦鬱羈
懷自咏詩堪笑啻書空四壁百年辛苦一生癡
拄笏看山又一奇那堪世事擾蠶絲閑思東閣尋
梅日靜憶南樓對月時鄭老冷官醉騎馬韋郎宴
寢坐題詩功名自古危機足小黠何曾似大癡

春日即事

花落鶯啼春日遲踈簾細草雨絲絲畫樓南畔移
時立惹起閑愁入小詩

試院

門前袍鶴立如雲黃卷青篇左右紛講罷書生呈
燭坐一爐香縷細氤氳

巡園即事

烏巾半岸杖枯黎步履園中日欲西楊柳起眠亂
風際海棠熟睡微雨餘迸階綠竹生孫長著葉青
梅結子疎為喚童奴鋤菜了瓦盆添水養芙蓉

早起

朝日暉暉淨竹籬籠邊刷羽小雛兒挾衣早起巡
簷看照眼山榴薄霧時

夏日

深深簾幙晝陰長白葛烏紗一頂涼卯酒未醒加
午飯歸來方到黑甜鄉

保直書懷寄梁純夫誠之

世上功名足壞譽紛紛萬事是非餘治朝安用平
戎策拙筆難成闢佛書捫虱豪談徒取笑鈞鼇壯

志自知疎爛思世故腸堪熱濁酒一盃空復噫

客從山中來

客從山中來為言山中樂山中少輪鞅長與友麋
鹿朝飲飲玄液夕飡食黃菊真筌久已排况乃寵
與辱我生非縛繫胡為苦偏側駕言欲從之浩謬
獨於立

早朝

九天閭闔五更鐘鸛鷺班齊劍佩瑤酬唱詩聯慙
賈杜都俞制作見變龍春融瑞雪霑衣濕朝退香
烟滿袖濃自顧鑿坡無寸效杖歸日日醉黃封

安堅畫木圖

青山隱隱淡欲無空翠遠暎長林色顛崖老樹起

嶺岿回枝屈鐵相交錯細和烟霧入大青風雨颭
颭轉無葉白立半天霜皮老玉龍戰死空留骨槎
牙古態盡歟真點綴不見差毫末已令風雨生絕
壁長驚雷雨半身濕年深自鍾歲寒操岩上無心
萬古立莫令羣卉欺枯腸一箇春心未應絕

送僧還日本

萬里東還日春風海上查草添南浦色梅放故山
花暮泊雲生島晨征日浴波何時歸故隱烟月護
松蘿

朝回寄鄭子文宗周

官事兒癡苦不諧尋常日午罷朝回書籤終歲慵
無拂碁局多時酷好開北里送瓶沽酒到西園扶

杖屨蔬束廣文有約相尋訪滿意清談亦快哉
朱文公武夷精舍啜用文公韻

精舍

已矣世無知來作山中客經史足餘暇優游一泉石

止宿寮

有客款山扉雲深一茅宇青燈話今古新炊間黃黍

觀善齋

從容函丈間樞衣爭避席聖賢可同歸思齊常勉力

石門塢

世路一何峻山門一何深朝昏閉石門為荷名利心

寒拙館

斗室生虛白道味知有力澹然何所求掛冠倚空壁

鐵笛亭

昔人橫鐵笛崖斷山雲開千秋有遺響感慨從中來

釣磯

一竿坐魚磯無言瞰泓碧隔岸名利人看看不相識

求隱齋

四佳詩集四
高齊夜氣明唯聞靈籟響誰知隱几心君子道不長

茶竈

采采金露牙竈在水中央聊以活火煎便覺聞天香

漁艇

一蓑縱所之泛泛隨風輕乾坤俯仰間一曲滄浪聲

寄蔡子休

紅日釣簾影半斜晚鶯啼處柳陰多玉堂睡起無人到一半春愁屬杏花

到村家

幽人耽野趣老馬識還家密密陂塘路交交林樹花小風香枳子微雨長薑芽濁酒山中熟歸來放一詞

無題

許身稷卨業伊周豪氣當年隘九州兩眼飽經浮世事一身難辦百年謀生慙彭澤名高士死慕劉伶作醉侯更願此生長健在乞骸終欲老菟裘

寄金可均鍾在善山

金侯久不見千里幾相思造物本戲劇功名何大遲鱣堂遊學日雉岳讀書時往事渾如夢堪驚兩鬢絲

松京懷古送永川卿七首

故國繁華思黯然王孫遊眺興相牽臨津路出平
如掌松岳人躋去似天勝地名區頻駐馬壞垣深
樹屬啼鶻相逢父老宜先問語及朝鮮徒鼎年
一三功業半千春治亂紛紛幾戰塵歷數真人興
大漢閏餘偽姓續亡秦南遷人物豪華盡北望山
河王氣淪去謁穆清參鼻祖英靈如在御容新
禾黍秋風滿故宮昔時登眺夢魂中青郊揚柳傷
心碧紫洞烟霞滿意紅無復金臺貯訶舞可憐黃
壤蓋英雄少年不惜頻來往袖裏西都賦最工
憶昔扶蘇快一登百年憾慨為誰增越燕日落埋
紅樹輦路春回長碧藤老屋無人陰是鬼諸陵有
燒禿於僧長端不洗前朝恨須借樽前酒似澆

五冠山色八雲齊少日尋僧幾納鞋古寺荒涼三
丈笏土橋零落一丸泥王郎高調吹蕭鳳孝子餘
風刻木鷄明月西樓應憶我落花流水使人迷
懸崖飛瀑古今奇何代留名朴姓兒銀漢遠從天
上落玉虹高挿斗間垂欲學仙曹騎鶴去空聞術
士勅龍歸此行應有驚人句願為徐凝洗惡詩
城東遊了又山西多少樓臺望眼迷天水門前川
歷歷橐駝橋下草萋萋荒祠下馬碑無字古驛登
樓板有題我興重遊濃似粥若為歸去忝攀躋

明妃怨三首

漢家失策御胡戎再誤蛾眉畫手中可惜宮妃初
出塞忍看愁鬢濕春風

塞上風沙雪亂飛可憐猶著漢宮衣愁時強撥琵琶泣復道戎王罷獵歸
氈幙重重雪不晴單于出戰夜三更莫道胡漢恩深淺試聽愁中樂府聲

偶題

身世秘中散平生馬少游詩書已成癖樽酒不知休遠舉思黃鵠深盟愧白鷗行藏難自斷天地入搔頭

春懷

小窻情興雨霏微庭院無人燕子飛急喚女奴供小酌緩尋花塢立多時

原平村店曉發

鷄鳴離野店匹馬過江城隴麥秋先到林梅雨未晴小塘飛燕子細草立蜻蜓身世同浮梗悠悠愧此生

途中遇雨

東溪過了又西溪馬上推敲路欲迷日暮江村熟梅雨山花落盡乳雅啼

送鄭鍾城之任

銅章新佩鎮龍沙千里關山躍馬過眼入陣雲高不盡腰鳴雙劍冷初磨白頭晴壓千層雪黑水深掀萬丈波妙略籌邊無事在春風細柳拂高牙

次韻幾仲

烏靴雙腳踏紅塵兩字功名劇苦辛自昔錢兄謀

已忤由來麴老契相親風流載酒從人笑迺闊談
詩被客真多謝故人頗問訊交情已免白頭新

麗人畫

曲江春日麗人行睡破梳粧照晚晴只許暫時腰
後見杜陵飢客眼空明

寄鄭子文

去歲揚州月論談夜向深有詩聊共和無酒可相
斟野色梧先得秋光菊不禁浮名空役役谷口未
重尋

到村舍寄鄭子文

始知濃興在林泉靜裏心灰百不然病骨經年同
鶴瘦醉頭終日伴蠶眠士龍寂寞三間屋季子平

生二頃田出處吾今能自斲悠悠得失捲關天

子文見和復用前韻二首

林間一道響清泉春日花開煖欲然明月且尋南
澗去清風時寄北窻眠徵君松菊猶存徑杜曲乘
麻幸有田早晚功名亦遂殘年身世付江天
茆屋青山對石泉相逢魚鳥亦欣然榮枯過眼都
成夢憂患經心只自眠百舌黃鸝鳴古柳一拳白
鳥立閑田小軒恰得新詩句柳絮飛飛自滿天

送日本釋文溪

曾向三韓訪道遊曹溪卓錫久淹留重來面目渾
如舊白髮偏驚歲月道

東平館裏月三圓故國歸心滿日邊昨夜文溪來

入夢四風安穩送回船
蓬萊地勝老烟霞水國微茫路自賒正爾秋風香
袖橘片帆和月落誰家

兔山村舍錄田父語

我家佛岩下傍隣三四屋地薄皆荒田耕治半沙
礫去歲官沒田吏胥右豪猾貧家無立錐空餘懸
磬室僅僅起廢丘年荒稅不~~是~~吏來日徵督令嚴
如火烈剜肉未醫瘡逃竄匿崖谷飢火煎腸肚顏
色日梨黑採薪入山中山中盛薪棘家有黃犢兒
終年空復骨馱載亦不能一步二顛踣行行親負
荷兩肩頰已肉日暮始入城路逢隴斷客折閱入
鎗銖米貴賤估直尚念十口在嗷嗷待哺啜升斗

何足論聊以慰飢渴歸來對妻兒稍亦得饘粥以
此作生理生理真可惜近來豪勢家權利到木石
籠山作柴圃禁人之樵牧西家採一薪鞭韃恣流
血東家蹊過牛父子遭繫縛公然掠民財鎌斧盡
漁獵草木生山澤天地之公物小民獨何辜亦不
蒙其渥國家重貴近尊位厚其祿胡為逐小利不
仁至此極君子尚節義見此欲嘔噦嗚呼我民生
何以得生息我今聞此語中夜獨嗚咽

詠物四十三首

梅花

清艷看看抵死奇貞心只許月相知臨窻猫出橫
斜影帶雪招邀淡瘦姿好借暗香通鼻觀剩分清

氣入詩脾等閑莫作羅浮夢玉笛時拈滿意吹

杏花

杏花消息一番新蓓蕾麩枝暖始繁漠漠紅雲連
白日鮮鮮香雪起青春餘寒砭骨膚生粟細雨霑
腮淚帶痕更待月明踈影滿勝筵扶醉倩傍人

薔薇

一年春事到薔薇滿架離披不自持幾陣清香煩
蝶使十分濃艷妬鵝兒水邊照影心先惱雨裏繁
開賞漸耳爛熳東風吹不盡半庭無語要催詩

芍藥

揚州奇品廣陵芽遍種庭除鬪麗華至味丁寧通
蝶使狂香珍重接蜂衙風前雨後無雙艷天上人

間第一花今古詞臣餘韻在不妨留醉費吟哦

牡丹

東風花信欲闌珊次第尋探到牡丹熟睡第醒傾
國色風流甲觀領仙班芳名姚魏傳家有妙筆黃
徐換骨難尤物坐令人愛惜鸞膠直欲續春殘

梨花

梨花淡淡襯瑤華晴雪爭暉強等差渾月捲成銀
色界乘雲直到玉皇家青春有恨瓊魂瘦深院無
人褙袂斜更搗水沉薰一炷天香遠襲素娥車

海棠

一夜光風颯海棠花開脉脉倚宮墻日烘氣力饒
春睡雨借精神起晚粧濃艷關心都是味風流適

意不須香杜陵可是無情思留與蘇仙為發揚

山茶花

歲寒和氣獨胚胎却殿羣芳恰半開調格自高霜始見風流無伴雪同來苦牽花惱巡千匝生怕香殘夢幾迴苦憶畫堂屏上看數枝斜影竝紅梅

紫薇

詞臣吟賞倚詩豪公子風流價倍高種出星垣增
偃鸞花開宮樣詫嬌嬈檀心未吐香先聞錦萼初
繁影漸交別有一枝西掖暮年年寂寞對吾曹

茶蘼

國俗名曰玉梅

梅花一去未招魂忽見茶蘼骨格存遞送暗香知
有意相逢淡質欲無言長條月落黃昏影高架春

殘白雪痕莫恨東城風雨惡飛來片片入芳樽

冬白

花神多事竊洪鈞別遣花開歲暮新妙萼全憑寒
氣好高標不許衆芳隣翠禽拂盡枝邊雪羯鼓催
殘臘底春天地中間少風韻移來畫上欲精神

葵花

清和佳節小墻東白白朱朱間紫紅孤注餘春入
盞在留連戲蝶錦房空孤忠自有傾陽意一技寧
論衛足功恒性不曾隨物變區區桃李謾嬌容

菊花

白露黃花又一秋東籬雅興浩難收終朝採得不
盈掬九日挿歸須滿頭三徑清風今渺渺南山佳

氣晚悠悠殮英飯水渾閑事掇取時無太白浮

四季花

浪蘂浮英瞥眼催
伶渠占得四時開
牡丹謾有三春約
木槿空為一日媒
節序悠悠花幾度
風流袞袞賞千回
文章班馬薰香手
相對吟詩欲奪胎

百日紅

後園环重為栽培
無數繁英自在開
粉蝶有時香筵去
青鸞何夕子猷來
猩紅百日垂垂盡
羯鼓三枝故故催
說與狂風勤護惜
休教顛倒落莓苔

三色桃

物理參差竟莫齊
一枝三色孰端倪
開因前後有深淺
花自白紅爭仰低
錦萼擺殘龍碎甲
天香吹

盡麝然臍年年依舊春風面喚起幽人訪故蹊

金錢花

天地洪爐鑄出新
擲來花步街奇珍
賭將客笑何論直
買取春光不計緡
窮巷開時思濟乏
金門排處是通神
物如有用還無用
世上滔滔混夔真

玉簪花

姑射仙人雪骨柔
雲鬟斜插玉搔頭
金風剪剪秋光好
璧月輝輝夜氣浮
百和返魂香入夢
三行蒲坐物皆九夢
隨蝴蝶穿花去
無限風流未罷休

蓮花

盆池清淺貯寒塘
柄柄荷花到死香
濃綠晚風搖淨植
膩紅晴日蘸澄光
魂歸洛浦凌波襪
浴罷揚

如照水粧待得他年開十丈吟甜分與客同嘗

躑躅花

躑躅紅酣血淚痕鶴林應復舊時魂山南山北映
相似春雨春風開正繁香信未銷連翠壁韶光無
數隔紅雲年年花發堪惆悵蜀魄千聲政訴冤

拒霜花

西風吹鴈曉來過滴露研朱點一窠西子捧心矜
醉艷青娥換骨傲霜華影分清冷三秋桂香到嬌
嬈九日花莫把芙蓉強分別斬新紅蘂自成家

梔子花

簷蔔何年辭故枝移來別院故依依花開六出無
多種業鬪千層又一奇香鼻飽參禪老味芳名都

六 杜陵詩賞心正與東風隔看到初開結子時

竹

一軒蒼玉萬竿脩甲刃攃攃勢自稠紫籜半均霏
細粉粉稍危拂動高秋閑鳳律宮商合試聽龍
吟洞壑幽勁節貞心宜配德同遊况復有羊裘

蘭

崇宗終歲守幽貞雪徑回輿認德香要識薰陶同
入室為傳嘉慶早生庭操琴當日傷尼聖認佩何
年入楚經酷愛色香還是僻休教外物累心靈

芭蕉

養得靈苗扇影長風吹微綠細生香葉能舒卷何
曾礙心自通靈况有常已喜丁東留夜雨不堪零

落顛秋霜十年無限江南興寄與西窓一味涼

萱

生從堂北幾春秋雨露霑濡得自由藥譜舊聞能
養性草名今喜是忘憂水澆靈脉花開早攔護幽
叢葉出稠纔得合歡功已妙羅裙書帶掩含羞

檜

細煙蒼霧玉玲瓏志節堂堂氣自雄根作龍蛇盤
厚地塊隨霹靂上青空圓幢自偃空庭月厯籟時
聞半夜風自信高林多世用高孤獨立歲寒中

萬年松

一軒蒼翠倚峻嶒霜雪心顏閱幾齡幹露龍身扶
六尺枝掀鳳尾矗千層自多壯志凌高漢誰屈奇

姿在半庭得地深根承雨露高孤不改四時青

梧桐

何年移自嶧山陽生長孫枝百尺長落葉隨風敲
玉砌濃陰得月度銀床新霜院落秋光老永夜軒
窻雨氣涼莫遣琅玕搖落盡會須留與集鸞凰

楊柳

玉謝宮梅雪漸澌東風吹柳撚金垂綠陰不礙流
鶯語碧縷頻催駿馬嘶池館日長飛絮盡園林雨
歇起眠遲年年管領風流地未信人間贈別離

丹楓

一夜西園玉露彫紅扶秋色上林梢淨蕪朝日紅
於錦愁對殘霞爛欲燒石逕停車詩正就玉山扶

杖畫難消憶曾送客江頭路剗地霜風鴈正高

葡萄

枝蔓離披倒復扶黑雲垂地暗龍鬚清風滿架秋
將晚白日低簷蔭已敷葉底纍纍垂馬乳盤中一
一走驪珠何時乞遍江湖種釀酒千鍾倒酪奴

石榴

喜見磁盆五月花秋來佳實擅繁華金房皴盡明
如燒玉粒排殘火點砂劈破忽驚霜滿瓜嚼來猶
認雪翻牙憑君頓解文園渴記憶當年逐漢查

板栗

刺樹中庭手可攀青黃一半子初圓金丸香壓烟
初重玉殼寒生露未乾謾言物性荆淮別應有芳

名播袖間人間自古無兼味笑汝生菜只一酸

柿子

秋來霜柿半傳紅却訝勾圓萬顆同朱鳥啄餘顏
卯熟燭龍銜照火珠烘曙星垂耀明初動崖窰分
甜味正融百果盤中少顏色能兼七絕擅神功

華鴿

綉圍羅幙映珠攏閑放飛奴出細籠錦背花明翻
畫景金鈴風緊響雲空傳書故舊恩情好得食庭
除意趣同莫把家鷄一樣看分明異彩出羣中

錦鷄

春入芳塘漾綠漪錦鷄無數弄晴暉波明兩兩飛
相照沙暖雙雙水政依戲動小荷香玉觜吹來落

四傳詩集四
菜如花衣自多羽翼文章異鵝鴨池邊省見稀

啖鶴

浮丘相鶴眼增明許寄庭松穩不驚月在高枝翻
冷影露團踈葉警寒聲歸來華表千年語去上緱
山半夜鳴霄漢高心終不盡滿庭鷄鶩浪猜情

眠麝

何意奔狂性易馴碧蕪占斷睡成茵夢尋文沼安
閑地食托周莘自在春強弩遍山非買禍薰香滿
肚故依人他時騎倒尋仙去五百年來一化身

假山

混沌何年又闢開滿庭喬岳忽成堆鵝鬢萬點層
層見鰲背羣山隱隱來嵐氣欲連青壁潤日光低

傍玉屏回此間應有閑田地擬結茅廬俯釣臺

怪石

雲骨巉岩勢自頑千年生長蘚痕斑龍鱗夜濕將
成雨鼇背秋高忽見山香霧欲生仙掌動青烟不
斷劔鋸寒怪奇曾入青州貢劈取應驚鬼物慳

瑠璃石

古質天然造化工堅溫會不費磨礪清光自比瓊
玕潤妙品應同琥珀濃夜月寒凝金沆瀣春光影
透玉玲瓏生来自信無瑕玷滿院時時氣吐虹

瑋琚盆

繡甲香盆鈿絲新江妃終不惜奇珍美珠泣盡會
虛腹明月潛投已近人一水分源龍伯國百花埋

四佳詩集四
十九
沒鶴林春玉攔暫尔供清醞不是先生愛寶真

南山霽雲

南山當戶玉崔嵬古洞回岩次第開忽有晚雲拖
白去更分晴靄送青來奇峯時見樓臺影紫蓋翻
成錦繡堆直欲維南將獻壽回首五色繞蓬萊

北寺暮鍾

華山撐立碧芙蓉寺在烟霞茅幾重三丈半嶺西
嶺日一聲初動上方鍾驚回醉客人間夢羨殺高
僧物外蹤却勝寒山聽夜半搖雲度水送高春

寄鄭子文

書永空多睡風涼可快心隣翁呼不至家婦病長
吟碁局時慵拂書籤已懶尋岸中還獨坐寂寂滿

庭陰

七夕戲贈金文良

一年一變牛女會七月七日天地秋人生何迺獨
不樂與子宜復同風流

懷舊題西原栗峯驛

隴麥初胎梅已仁江南行客動傷神小塘依舊荷
花淨不見當時勸酒人

在村家書懷

行雲落日望神州江漢歸心日夜流王室不啻生
管蔡廟廊今復見伊周男兒意氣封侯頭將相功
名為國謀當日書生無伎倆一身千慮獨憑樓
題子固家所藏花簇

百花臺榭舊繁華爭延詩人老去何花裏喜逢真
韻在風流不覺整烏紗

春日柔城縣留題

蕩蕩春風適野墟竹籬茆店是誰居乾坤客子一
羸馬南北家書雙鯉魚來岸桃花紅似燒蒲溪揚
柳碧如梳宦情羈思渾無賴淹滯他鄉動月餘

題玘谷上人詩卷

別足綠懷王剖身為愛珠捐金虛牝裏上人不用
沽

閑適

閑適三生韻風流百歲狂詩先斑我鬢酒亦爛吾
腸細雨抽孫竹輕陰護海棠居然慵盥櫛午夢已

道場

偶題

南山北闕兩悠悠聒耳西風又一秋輔主忠良周
霍在論詩籌策賈鼂優濁醪自與黃花約清夢相
尋白鳥謀若待雲臺麟閣後青山何處不菟裘

用申內相韻寄一菴三首

山送青來從北起水拖白去向西流尋師憶昔巖
魚寺纔喜相逢即別愁

烏帽黃塵兩鬢秋功名落托歲時流多生漫有青
山興何日挑燈說此愁

文才我豈陶蘇輩道骨師應惠印流擬向山中尋
故事悠悠空費十年愁

秋夜

山月皎如燭松風喧似溪幽人坐不寐鳥驚猶未

宮詞

露滴梧桐月半樓銀河耿耿欲西流洞房深鎖無消息咫尺長門萬里愁

秋日登濟川亭

秋樹無聲紅葉稀江城終日鴈南飛長風萬里孤舟與輸與登樓送落暉

村中病卧

清白傳家有蹉跎百世心野居詩是史病卧酒為箴燕雀居巢薄魚龍窟宅深光陰空荏苒天地少

知音

到公州與全判官李鈞康教官義山丘永同

從直金新昌傑會客館蓮亭宴集醉後有作

五月江南好華亭敞綺筵風流一時盛豪傑數州賢絃管荷香助盃盤柳影偏多餘叅勝會清興欲狂顛

翼日李清甫奉 宥旨來會蓮亭同飲即席有作

小水連漪碧玉鱗畫闌終日宴佳賓青娥皓齒三行密翠蓋紅粧十里春日照香羅綺扇動風吹白紵舞衫新瀛洲學士驚人眼落魄樊川定被真與清甫登錦江樓小頃泛舟中流乘興有作

使君未罷高樓宴學士還成畫舫遊翠袖紅粧明
水底烏菱白芡滑船頭笙謔不管古今恨雲物新
添離別愁酒醒他時應記取熊江鷄岳兩悠悠

扶餘懷古

泗泚山河國已墟三韓往事重唏噓熊江白白鷗
眠靜鷄岫蒼蒼鴈影踈冷月高臺釣龍後淒風危
石落花餘乾坤俯仰英雄恨薄暮孤舟信所如

柔城縣端午

去年端午客揚州今歲飄零錦水頭首宿堆盤欺
我吟菖蒲浮酒為君謀浮生幾度天中節塵世多
慙海上鷗南楚英靈應不昧無因一去酹湘流
送辛都事咸吉之行次諸公韻

鐵關東北路悠悠送別那堪萬里愁雨滴梧桐深
院落風吹蘆葦滿汀洲一杯相屬此時月孤夢遠
勞何處樓見說龍興佳麗地使華風詠足高遊

廣陵途中

野日荒荒晚溪雲淅淅行寺遙孤塔白村近一花
明送目歸鴉急離身老馬驚風流問田舍客興轉
崢嶸

書事

臘月霜風颯鬢毛青燈半夜慰無聊詩書萬卷一
儒老鞍馬三年諸將勞髀肉已生閑坐久眼花猶
落醉眠牢國家方急平戎策悔不當年學六韜

向村墅

驅馬中山路秋風多所思衣殘一池藕風動蒲江
離水淺魚初下天高鴈正遲吾行多屑屑漂泊半
生涯

蓮塘即事

小塘新水碧悠悠翠蓋紅粧晚色稠待月賞當携
酒去入門還與細君謀

鄭烈婦詩卷次韻

旌烈江城路能令過客悲島夷當日亂貞節幾人
虧白刃終須陷丹心誓不移夫人清義在終始史
堪垂

庭梅一樹早春開謝最後一枝有綴殘英可
愛昨夜雨作無復餘者感嘆有作

時見殘英枝上開今朝都已撲莓苔詩家有信偏
相惜夜雨無情忽作猜素質眇難尋月殿貞魂應
自返瑤臺樹邊獨立無窮思消息遙期臘底回

題景愚畫竹

大枝被風已折殘小枝含雨亦檀欒十年一覺瀟
湘夢淨坐南窗洗眼看

詠梅次和仲韻

春信先歸第一枝開窗終日看幽姿暗香疎影清
如許肉眼無人仔細看
詩翁風格正儵然冷蘂寒芳抵死憐索笑巡簷吟
未已羅浮月色夢相牽

公州蓮亭

官橋細柳綠毵毵新沼荷花倚半酣客子日長無
事飲始知雲物是江南

書事

聞說邊防急州官又點兵旌旗陰大野鼓角動江
城執戟丁男盡賣糧婦女行何當清漠北民物樂
春耕

述懷

書生潦倒少知音只倚雙清迹似心長日小詩妨
大道或時微醉勝醒吟生前閑適嵇中散天下風
流李翰林金鴨香銷春夜永梅花瘦盡月籠陰

用前韻

天地寥寥正始音今人誰識古人心漢庭不復論

周禮楚客何須笑越吟豈有才華傾筆陣曾無聲
價動詞林十年奔走功名路未息機心愧漢陰

有感

男兒慷慨不須多老去空嗟百計訛拙叟平生無
伎倆小窻終日學僧跏

卜築廣濱村墅

廣濱成小築晚擬送吾生白髮有公道青山無世
情貧居唯黍酒野興更尊羹漸覺身無事幽居不
用名

夏日即事

細衫團扇岸烏紗綠樹軒楹影亂加急雨遮山雲
潑墨小風吹水浪翻花渴思煮茗津生舌睡為沉

瓜雪濺牙揮手傍門櫪
纖子小窻情興即僧跏
苦熱又值苦雨獨坐鬱悒
書示子文

歲月悠悠似轉丸
人間三伏避應難
長空盡日炎雲赫
后土何時積雨軋
屋漏從教愁杜甫
泥深悔不過蘇端
何時滿意秋風至
樽酒相逢一笑懽

村家

石田三頃薄笪屋
兩間開綠瘦烟抽
筍黃肥雨送梅山
皆繞霧合江動欲
潮回十載鷄豚社
相從侑酒盃

青山

人情喜逐風雲變
世事常從日月移
唯有青山無底思
年年不負野人期

途中

雪消草色遍郊原
納納溪橋漲綠痕
林外鳥聲如喚客
水邊花發又諳村
乍晴烟無還成雨
薄暮山光欲染雲
病眼昏花驚節物
故園歸思日紛紛

過調賢驛

年年來過驛門前
往事微茫輒潸然
斷碣摩挲微有字
壞垣牢落已成田
寒林鳥雀春陰靜
平野牛羊草色連
日暮行人重回首
無風柳絮自飛綿

三月初八日豐壤溪邊即事

日暖沙暄三月天
獨携樽酒此江邊
憑高一望數千里
花雨濛濛草似烟

村家春日即事四首

春山如染蠹青烟一水鄰鄰綠護田瘦策巡園微
 雨後落花如雪柳如絲
 小池春草已生香茅屋新晴燕語長客又不來春
 已去一雙飛蝶過東墻
 綠篁抽筍森森戟紫葳成芽小小拳踏出細沙林
 下路青山白石貯清泉
 行遍花村靄靄間杜鵑終日磔春山賞心政值愁
 相伴薄暮歸來未掩關

春寒

春日寒欺客羈懷又悄然酒醒頻倒盞衣冷欲裝
 緜歲月看雙鬢陰晴了百年詩書如舊習永夜不
 成眠

詠懷

拙拙吾生病又仍人間有味是無能物情料理終
 難見世事商量後足懲手裏翻雲還覆雨眼中深
 谷亦高陵全家十口今無恙聖代深恩不可勝

夏日四首

掛巾老松枝裸坐松間陰揮手謝時人側耳聽潺
 湲
 兩足黑如漆一隻青草屨偃卧藉碧蕪高歌動白
 石
 女奴提瓦盆走汲松下泉新炊浙黃黍笑我腹便
 便
 青青盤中瓜摘送自西山一嚼沃煩腸何慕仙人

丹

村家

昔日陶元亮今時鄭子真功名皆外事藥物即情
親壯志曾嘗膽浮生豈為身淩其歲云暮獨坐鬢
絲新

讀史

前車宜作後車戒殷鑑無如夏鑑明歷代紛紛還
不悟何由眼孔見升平
某賢其佞皆公論流臭流芳兩不欺為報主入明
眼看古今得失在人為

閑中

百年如寄爾萬事劇悠然懶學陳搏睡閑叅佛祖

一烟
禪家無供藥酒客送齏鹽錢信手抽殘卷香爐裊

早起巡簷

早起巡簷細雨聲袂衣新換覺心清淹留歲月仍
為客料堪塵埃似隔生孤憤樽前訝激烈高名天
下氣崢嶸斯文一代知音少獨坐翻然百感并
無題

喜讀古書竟何益高談世事祇自勞時來將相皆
能用命去英雄若不遭

偶吟

浮生何草草真宰更蒼蒼膽大身猶小言高道不
長詩魔工鑠骨愁緒巧紆腸懶拙還成癖居然學

坐忘

向村莊

樹抄留殘照天邊返暮鴉南山多少寺北里兩三家寒蔓瓜無子踈枝菊有花秋風吹更落病骨自年華

九日登高

佳興重陽粥面濃登臨直上翠峯重黃花滿帽風吹倒綠酒盈樽飲已空醕酌樊川真好事悲懽藍澗想遺蹤請君更把茱萸看人世難逢一笑同

琴軒為金上舍子固作

賞音正如賞馬方不在牝牡不驪黃生平曾中大古心兩耳厭聽繁華音洞越南薰復以邈大雅無

人不復作金生達者以琴名為我一鼓宮商聲思深意遠合自然得手應心非言傳抑揚變態能裕如遺音嫋嫋三嘆餘洗我百歲偃蹇磊落之襟期起我萬古希夷淡薄之遐思世間箏笛幾紛闕忍使鼉鼉亂鳳凰孔聖何為肉不味我聞此曲發高喟嗚呼期牙一去今幾日我洋無聲絃斷絕我有鸞膠三百兩為君續振餘響

送梁直學并明辭官歸養

北闕諱明主南州慰老顏求忠必求孝謀道豈謀官且讀何蕃傳仍歸李愿盤如君高義少須向古人看

用南華語寄姜景醇

擾擾人間世吾生也有涯常須問曷體轉覺是支
離物我皆非馬功名是不龜宵然吾喪我天地自
無為

外姪李生訪我村莊

冬深茅屋吾先到雪滿山堂汝又來撥火煎茶聊
偶爾檢書燒燭亦佳哉年來頗識形骸變老去深
知骨肉懷珍重留連莫辭去為君草草具盤盃

題村莊

幽居良愜意幸此有林泉粥飯唯須糶薪蔬不取
錢柴門閑日日茅屋破年年十口無生理中心私
自憐

事事艱難裏春風又到家雨移桑樹好晴種麥田

多婢解縫新袂奴知理故叢東門亦有種此興定
如何

春二

綠乘高下映茅廬漠漠平田小雨餘布穀一聲農
務急家家利器事蓄畬

種榛栽梧已作林春深幽鳥百般鳴人生無似居
閑興勝水佳山次第尋

朝雨

春朝小雨起巡簷白白紅紅綠又纖輕燕不妨飛
趨濕游蜂且許噤唇露詩情恰恰烏紗帽野興悠
悠白柄鏡山下有田耕已熟曲江會記典朝衫

自詠

世事乘除理自然莫將華髮怨流年一身欲立雖
無地兩眼曾窺管有天高士豈用沽白壁舊家宜
不負青氈致君堯舜平生意萬古功名一簡編

留村野

柴門臨水次村逕入新亭古栢留雲影脩篁挾雨
聲枕書野花落舉酒山鳥鳴小築非真隱深慙負
此生

雪行喻惠陰嶺

朔風萬竅怒奔崩黯慘長天雪意騰倦僕衝寒愁
破絮蹇驢躋嶮怕層冰閉門僵卧慙衰老乘興歸
來想剡汀憶得去年南郭寺地爐茶鼎話高僧

途中

一驢風雪道途長大地山河白玉鄉行在畫圖詩
境裏風流不減孟襄陽

松山途中

北風吹凍袖西日下孤村樹木深蒙雪峯巒冷帖
雲依依望鄉國歷歷見田園古驛三盃酒微醺欲
策勳

次韻題綠楊驛

長途歲月老垂垂雪裏溪山又一奇破帽氈衫寒
到骨索錢沽酒最相宜

村家

我來村舍十經旬納糶輸租事事新鄭五有詩多
歇後孫三好讀正勤辛山蓼可搯初殘雪壠麥初

耕又一春婦病童頑翁且拙此生端合過清貧

去年訪行上人於高嶺山上岩寺登後峯有
作今送惠上人復用前韻以寄

憶昔訪師高嶺山相携直到主峯端登臨始覺軋
坤小徒倚俄驚骨肉寒壘嶂輕霞今渺渺鬢絲禪
榻兩閑閑生平癖有青山興不獨緱岑駕白翰

春帖字

盤青挑野菜盆白綻園梅一室圖書靜春風侑酒
盃

晚吟

寒雲慘慘送昏鴉獨立東風顛帽紗溪柳自搖新
歲線林梅猶發去年花青山有約終須到白髮多

情見漸多更憶紅塵騎馬日五更霜雪滿烏靴

夜宿瑞城村家書所見

高嶺山前小飛雪廣灘水邊冰合鐵茅店閉門夜
如漆三重柝棘堅似壁門外虎吼聲震霹僕夫喘
伏兒淹泣老夫肝膽本壯烈倚壁雙劍鳴鏗憂平
明虎跡大於盤一步二步流血殷西隣忽夫黃狗
兒狗不足惜還可悲慎爾兒女深走麓莫使惡物
恣啗傷君不見白日道路猛虎遊血肉狼籍無人
收深山大澤不足怪我行處處宜所戒

三月三日

一年一度清明節三月三日天氣新啼鳥枝頭杏
花雨眠牛壠上芳草春賞心美景古難並痛飲狂

詩今幾人登高極目望天地四海干戈勞我神時
北寇犯上國

偶吟

深院風恬柳影多寒塘雨足長蒲芽開愁正與春
相伴獨坐無言數落花

村居

朝市山林遠避嫌百年身世卧前簷往時三逕澗
明去今日東溪杜陵淹玄鳥近人知我靜青山滿
屋笑君廉葛巾藜杖皆隨意世事悠悠只撚髯

藏魚寺洞送成謹甫日暮悠然有作

藏魚寺裏尋僧到遮日岩邊送客歸日暮東風吹
滿袖小橋立馬思依依

送金察訪

崇老

還水站六首

并小序

居正少時與一二同志游北原中原驪興諸
山寺讀書所歷多名山水輒留詩題名以為
誌計今十八九年于茲自縛名官以徠鬱鬱
無復此行往者遊覽之勝猶歷歷可紀今兄
道是三州歷訪余所曾余可無愴然一懷乎
茲述鄙情古律數首奉上行軒左右真垂電
覽

漢水綠如染之官客棹舟風帆助歸興雲物待重
遊好月江樓靜濃花野館幽風流應見慣第一是
忠州

少日讀書處黃鸝記勝遊孤帆春濕雨一水夜明

樓舉酒亭花淨題詩寺竹脩淹留今十載有夢繞

沙鷗

路八原城好山中古寺清荒碑尋往事老塔有題
名雉岳千層翠驪江一抹明居僧今在不回首十

年情

當年讀書寺卜近泰齋鄰叨陪杖屨久悵望梓梧
新正墮鍾情淚嗟無報德人兒孫今好在為我訪

須頻

明月興元夜仰崑芳草時昔年扶我醉今日送君
歸灘聲雜柔櫓山色漾清巵此景當湏記吾詩正

發揮

月岳浮青黛星查遡碧源詩樽供逸興雲雨惱飛

魂只說風流好休攝薄領繁紅塵留客久無計得
隨君

題景愚畫竹

京中寸地貴於金無地容成綠竹陰偶向畫中時
一見故牽情興到江南

次東坡咏雪詩韻效荆公

落日寒林返暮鴉霏霏小雪輾銀車三登已兆明
春瑞六出初開暮景花僵卧不須于我戶興來渾
欲訪君家眉山題詠多才思拙句吟成愧八叉

示阿姪彭周

吾兄積德生三兒長兒十三能賦詩叔仲兩兒亦
岐嶷徐卿二子不足奇我齒已老尚無嗣不孝之

罪安敢辭汝家達城本寒族無人振起光門闕汝
翁蹇滯不早達汝叔於世亦濩落平生所望在汝
輩立志讀書宜所勗君不見當時將相一朝起寒
微滿門冠蓋森成王

偶題

桃杏前頭梅已非歸鴻渺渺燕飛飛酒知漸忌驚
腸爛袂又將成減腹園名教古來多樂地功名隨
處足危機紫芝欲燁黃精好何處春山不可歸

村家四首

茸茸黃茅覆小齋門前數頃付汙萊兒童近市求
鹽去親戚同鄉送米來靈運青山頻蠟屐謫仙明
月且停盃天機袞袞人多事白髮春風已作猜

蘇晉長年繡佛齋人間渺渺隔蓬萊江山到處皆
吾有軒冕於人是儻來死後無名能上鼎生前有
口可嚙盃十年湖海扁舟夢沙鳥依然不我猜
閑如頽子學心齋出處悠悠一草萊雪後梅花將
白去春深柳色送黃來匣中藏得鸞鷁劔手裏
親鸚鵡盃不用浮生強料理天時人事暗相猜
古今好詩陳簡齋天下高名有寇萊昔人不見歲
已遠浮生幾何春又來人生百歲非百歲濁酒一
盃復一盃黃鵠高飛幾千里燕雀羣噪空相猜

二月二十二日夜大風雪曉起有作

二月念二夜風雪亂打紙窗穿屋角平地積深三
四尺起着天地同一色老樹壓壓已摧倒凍雀飛

來聲噤澀老奴擁帚掃不除小婢汲井歸路迷病
夫日高擁衾眠只解雪水茶堪煎臘前三白已可
喜新春嘉瑞况如此泚筆預作來庭詩時和歲豐
吾熙熙

權承旨榮親詩 名學七十韻

花山能種德蘭畹久傳芳鼻祖初開構耳孫又發
揚菊翁尊德望陽老仰文章學士傳家印侍中累
葉瑞箕裘功遠大詩禮訓昭煌萬石門皆謹三槐
後必昌止齋傳令緒雅望到崑廊黑髮為相早白
眉有兒良親逢神聖主相繼壯元郎天上臨奎壁
人間觀鳳凰青氎徠有自素履况能彰空北霜蹄
駿圖南逸翮翔雲生萬里路劒出十年鋌遴選登

烏府蜚英上玉堂經帷親衮冕學術富絲綉藉藉
絲綸手披披錦繡勝雄文追賈馬清律創蘇黃星
斗襟懷豁江河氣勢汪地清人似玉名重德如璋
勁節千年栢貞心百鍊鋼憂時增慷慨奮志益軒
昂國步多危險人情自擾勸精忠明皎日大義凜
秋霜元聖存周室天人起晉陽翼麟能早附肝膽
已先嘗借筋論謀議運籌密贊揚乾坤扶日轂兵
甲洗天潢勲業歸麟閣聲名振鷺行於常功可紀
帶礪誓難忘玉陛紆宸眷銀臺有令望龍侯身近
日鷄舌口含香色映簪袍重聲聞玉佩鏘天威臨
咫尺地位異尋常出納龍惟允賡詩皋曰颺親依
堯日月為補舜衣裳際遇今如此騰揚不可量文

明熙一代孝理重三綱自有榮親典優加錫宴光
白麻皆荷寵黃甲况魁場萱室逢初度菜衣獻壽
觴殊思從北闕盛事聳東方幃幕圍羅綺簪紳簇
鏤錫功勳皆衛霍家闕盡金張坐壓璿源貴門連
玉禁祥天厨來絡繹仙藥動琳琅羯鼓青春蕩鷓
絃白日長十千濃美酒二八列鮮粧舞艷飄香袖
詩高咽細吭朋花翻繡座綠楊拂雕墻好景時還
泰佳辰日在剛慈顏忻載笑慶福自無彊幾詠南
陔什堪誇畫錦鄉龍光能紀極燕喜未渠央生子
宜如此興門是足當義談喧父老和氣溢康莊澤
及雲仍遠聲傳簡策詳吾生嗟鄙拙外業墮微茫
宅相何曾擬家經恐未遑揚書傳舅馬祭慶集錫

羊此道慙辜負先賢詎頡頑葭莩親已至棟宇義
彌臧末席叨叅賀中情默有傷渭陽吟渺渺陝圯
淚浪浪何處雲空白他山捨獨蒼身爛那復著手
線悵空藏寂寞斑姑史淒涼孟母防如公真立顯
愧我獨徊徨宿抱維忠孝相期致帝王貧荒誰伯
仲黼黻見唐虞終始心無改明堂作棟樑
仲春晦日寒食

寒食今年二月晦吾詩正與子瞻同無心野草微
微碧多事山花漸漸紅坐數歲時成蹭蹬閑思身
世尚踈慵今年上冢還辜負回首羅山杳靄中
寒食後一日
嬌陰漠漠弄青春雪晴池塘起碧鱗天地甬來時

事變烟花觸處客愁新一年寒食嘗新火數月他鄉少故人未信此生長健否有錢沽酒答佳辰

四佳詩集卷之四

